



UNIVERSITÄTS-
BIBLIOTHEK
PADERBORN

Mariae Virginis Sacratiss. Miracvlorvm Libri Tres

Vismara, Ercole

Mediolani, 1579

Mirac. Virg. LI. A pio uiro centum Angelicarum salutationum corona
castitatis Reginae connectitur.

[urn:nbn:de:hbz:466:1-64305](https://nbn-resolving.org/urn:nbn:de:hbz:466:1-64305)

omnia, uti uiderat, audiueratq. ceteris sanctimonia-
lib. praefecta narrauit: easq. omneis rogauit, ut ad
Virginem sancte, augusteq. colendum animos adij-
cerent:

MIRAC. VIRG. LI.

*A pio uiro centum Angelicarum salutationum corona ca-
stitatis Reginae connectitur.*

VIR nobilissimus, cuius uxor in Virginis fi-
dem, & clientelam se dederat, cum nullos
haberet liberos, Deum suppliciter obtesta-
tus est, ut prolis dulcia praemia nosse sibi liceret. Voti
compos factus natus ad christianam disciplinam, &
ad pios mores erudiuit, atq. instituit. Iam ex infantia
filius excefferat, qui, cum ab alijs pueris saepe florib.,
& rosasserta contexi uideret, & ipse idē facere, illisq.
maxima pietate cuiusdam Virginis simulachri frontē
exornare, neq. ullum unquam diem intermittere.
Iam natu grandior factus erat; cum parentes ut con-
nubio iungeretur, ualde cupiebant. At ipse, qui Deo,
eiusq. filiae illibatae, se uirginitatis puritatem sartam
tectam integramq. seruaturum promiserat, in coeno-
bium migravit, ubi quotidie magis, magisq. in diuini
cultus obseruantia proficiens, firmiora christiani ani-
mi iaciebat fundamenta. Praeterea tum quia in illo
habitu, & aetate non decebat, tum quia rosae, & flo-
res propter hyemis tempus non proueniebāt, nō sine
maximo eius dolore, institutum intermitteri oportuit.
Itaq. statim aliud iniuit consilium. Centum. n. An-
gelicis

gelicis salutationib. florum uice utens, roseas ac floridas corollas quotidie componere pergebat. Factus cuiusdam coenobij praefectus, eius causa peregrè proficiscens, obliuione diem unum piam consuetudinem intermisit. Dum per remotissimam, & ingentem siluam iter haberet, ex equo defiliens à ceteris paullo longiùs digressus, Virginem salutatam iuit, uti cõsueuerat. repente è latebris latro erumpit, qui monaco precationi dedito equum res omneis, & uitam ipsam eripere decreuerat. Iam uerò de illo actum fuisset, ni Virginis pietas imminens periculum propulisset. Latro. n. in ipsum telum conuertèrat, ut incautum occideret; sed statim formosissimus puer obuiam se dedit; qui è monaci ore rosas. prodeũteis colligēs, centũ rosarũ corona cõtexta, eaq. capiti imposta in coelum conscendit. Id uidēs latro ad praefecti pedes se abiectiēs eius pacē exposcebat, quae de illo puero, accidèrant, quaeq. ipse uiderat singularim exponēs. Quin etiam latro, religioni, & coenobio nomine dato, ad frugem animum applicans, pie, sanctè, & integre reliquam aetatem degit.

MIRAC. VIRG. L II.

Virgine adiutrice iuuenis ex aeternae mortis supplicio elabitur.

Iuuenis clericus, etsi in omne uitiorum genus prolabebatur; quotidie tamen praescriptis ac dispersitis horis Virginis laudes ordinatim recēsebat. Fortè annem tranabat, ut foedam libidinē expleret.

Matutinae

Matutinae